

陶雲汀先生奏疏

奏疏卷三十四目錄

江督稿

安化陶澍

請加河神風神封號摺子

覆奏洪河水勢併各段工程情形摺片

總河會稿

已革免緝守備請以世職畱營効力摺子

附奏江省被水情形摺片

沿江各屬同時被水懇請撫卹摺子

附請援照成案撥銀採買米石運至災區售賣

竝商販米船請免納稅摺片

貢院被淹鄉試請展期辦理摺子

續報沿江漲勢添長湖河危急情形摺子

查勘災地水勢暨續報被淹應行撫卹情形並

將府州撤任另委辦災摺子

附叅奏馬棚灣漫溢情形摺片

請揀發知府知縣摺片

覆勘馬棚灣迤南等處漫口情形摺子

湖水遞消堰圩平穩及黃水接長情形摺子

預籌馬棚灣兩處漫口俟水消趕堵摺子

狼山鎮標各營借支餉銀摺子

遵

旨飭拏匪棍已獲解皖省審辦緣由摺片

請加河神風神封號摺子

總河會稿

奏爲奏

聞請

旨事竊照湖河一帶崇祀

神祇屢著靈異疊經

奏蒙

加封併

頒賜匾額江南河口爲清黃交匯之區堰圩大堤爲生

民保障之具尤賴

靈昭貺佑利漕衛民本年洪湖非時異漲爲從來

所未有較之道光四年堰圩失事時尙大至二尺三寸不但重運經行逆流涉險深恐難達天庾而淮揚兩郡形居釜底間閤時切恐惶兼之黃水若不遽落則清黃高下無多卽灌塘亦難得手

臣

張井焦思之餘倍深畏懼每至

黃大王祠及

風神廟中虔誠默告敬述我

皇上軫念河湖勤恤民隱之至意以冀仰荷

神庇

臣

陶澍到浦後亦時時詣廟拈香敬申禱祝

今洪湖盛漲歷一月之久自三月二十六七日

後屢經西北風暴掣卸石工潰及子堰每當危
險萬分之際卽風平浪息或忽轉東南堰盱一
萬七千餘丈之長堤竟得保全兩郡民生俱各
安貼而河水亦復遞落清水得以暢出重運順
軌渡黃毫無阻滯凡屬官弁軍民無不同聲感
頌以爲皆賴我

皇上誠敬昭虔

神祇靈佑之所致恭查河口崇祀

神祇內

天后原蒙疊次

加封護國庇民妙靈昭應宏仁普濟福佑羣生誠感咸

孚顯神贊順共二十四字復於嘉慶五年

加封垂慈篤祐四字

金龍四大王原蒙兩次

加封顯佑通濟昭靈效順八字復於嘉慶二十五年

加封惠孚二字惟

黃大王於乾隆三年

勅封靈佑襄濟大王嘉慶二十五年復蒙

加封顯惠二字

風神於雍正六年

勅封清和宣惠風伯之神尙未另請

加封臣等謹不揣冒昧恭摺

奏懇

天恩於

黃大王

風神各求

勅加封號以答靈庥而遂輿情是否有當伏候

聖裁謹此奏

聞請

旨伏乞

臨雲河先生集卷三
皇上聖鑒謹

奏

道光十一年五月十一日出驛具

奏五月二十五日奉到

硃批朕誠欣誠感另有旨諭欽此同日奉到道光十
一年五月十七日內閣奉

上諭陶澍等奏請加

河神

風神封號以答靈庥一摺本年洪澤湖盛漲兼值
西北風暴掣卸堤堰勢甚危險該督等虔籲

神祠風勢順轉長堤得以保固重運渡黃毫無阻滯

神庥丕著河漕順行朕心誠欣誠感著該衙門於原定

靈佑襄濟顯惠大王

清和宣惠風伯之神號敬謹各擬加封候朕酌定俾湖河永慶安恬益昭靈貺欽此

道光十一年七月初四日准

禮部咨稱祠祭司案呈前經兩江總督陶澍等奏

河神

風神威著靈應請

勅加封號一摺欽奉

上諭一道當經行知各該處在案今准內閣片交加封

河神封號字樣奉

硃筆圈出昭感

風神封號字樣奉

硃筆圈出康濟欽此欽遵抄出到部相應抄錄封號字樣移咨兩江總督敬謹遵照辦理可也

覆奏洪湖水勢併各零段工程情形摺片

總河會稿

奏竊臣等於四月二十九日承准軍機大臣字寄

四月二十三日奉

上諭陶澍等奏清水敵黃重運漕船行走順利惟洪澤湖水勢浩瀚暫消復漲及下游揚糧起壩洩水各情形一摺覽奏均悉著該督等督同工員務須認真加意防守俟漕船渡竣後應如何宣洩盛漲併堤堰掣塌各工應行修築之處卽當妥爲籌辦毋致稍有疎虞等因欽此仰見

皇上厯念河湖

訓示明切跪誦之餘莫名欽感伏查洪湖漲水見消
各工保護平穩各情形續經臣等於前月二十
八日會摺具

奏仰慰

聖懷茲連日以來洪湖誌椿又銷水一尺截至初十
日止淨存水一丈七尺一寸前次掣場緊要段
落均經搶護完整足資捍禦仍俟確核長丈層
路應行補砌段落再行奏報揚糧廳三溝開水
勢仍存一丈八尺停積未銷東岸臨運之灣頭
開壁虎南橋人字河等處昨於重運尾幫挽過

該境後飛飭起放據報水勢歸江極暢俟下游
湖河水面騰空如果洪湖水勢續消則智壩及
義禮二河尙可緩啟俟續見長水再行相機辦
理惟是洪湖既經異漲則應行修築之工誠如
聖諭必當妥爲籌辦如裡河廳運口汎增培堤工堰
厔雨廳卑矮石工應行加砌又揚糧廳之舊鹽
河內普賢墩至觀音菴應俟水落後改挑越河
一道卽以所挑之土另築西堤以避瓦窑舖至
六閘七處吸溜之險容俟臣等督同該道將等
次第確勘分別估辦臣張井仍督飭道將廳營

梭織往來加意防守不敢以現在水消稍存大意理合附片奏

聞謹

奏

道光十一年五月十一日附片具

奏五月二十五日奉到

硃批知道了欽此

已革免緝守備請以雲騎尉世職畱營効力摺

子提督
會稿

奏爲已革免緝之守備身兼雲騎尉世職原案並未革退懇

恩仍准畱營効力仰祈

聖鑒事案查已革蘇松鎮標中營守備雲騎尉陳長泰因前署蘇松鎮標左營遊擊任內疎防事主姚永芳等被刦各案經前督臣琦善奏奉

諭旨革職畱洋協緝嗣因畱緝已久叅限已逾經臣

於上年九月內奏准部覆奉

旨免其畱緝行令將陳長泰身兼雲騎尉世職查明
咨部覈辦等因復經臣行據蘇松鎮總兵官關
天培查明陳長泰從前緝捕勤奮現正年力壯
盛其叅革原案本屬因公呈請仍以雲騎尉畱
營効力試看等情由江寧藩司陸言覈議詳
奏前來臣查陳長泰現年四十一歲通州人因伊
父陳德奎前在湖北宜昌鎮標中營守備任內
出師剿捕教匪打仗陣亡奉

旨賞給雲騎尉世職題准承襲飭發狼山鎮標右營外
海水師歷經委署吳淞營守備高資營都司屢

獲梟犯私鹽道光三年委署海州營守備訪獲
大夥販私拒捕梟犯張雲從等三十三名併鎗
刀器械等件經前督臣孫玉庭奏奉

諭旨陳長泰准其遇缺儘先補用以示鼓勵等因欽
此旋經前督臣孫玉庭以年壯技優明習水師
奏補蘇松鎮標中營守備道光四年七月到任辦
理營伍操防並無貽誤惟是年九月內委署蘇
松鎮標左營遊擊輪值冬季巡洋疎防被刦案
件革職留緝其身兼雲騎尉世職原案內竝未
革退茲查留緝之案本屬因公已奉

諭旨邀免而覈其從前委署各任緝捕勤勞現正年
力壯盛與世職人員於職任內因公罪緣事革
職年力強盛緝捕勤能著有勞績准其奏請畱
營効力之例相符合無仰懇

聖恩俯准將已革守備陳長泰以雲騎尉世職仍畱
水師營効力以觀後效如蒙

俞允仍照例試看三年果能當差奮勉再行出考給
咨赴部引

見恭候

欽定謹會同江蘇提督臣王應鳳合詞恭摺具

奏伏乞

皇上聖鑒訓示謹

奏

道光十一年六月初八日具

奏七月初六日奉到

硃批另有旨欽此同日奉到道光十一年六月二十

四日內閣奉

上諭陶澍奏已革守備身兼世職請仍畱營効力一摺江蘇已革蘇松鎮標中營守備雲騎尉陳長泰前因巡洋疎防刦案革職其所兼雲騎尉世職竝

未革退茲據該督奏該革員前案係屬因公平日
緝捕尙勤且年力正強懇請留營効力着照所請
陳長泰准其以雲騎尉世職仍留水師營効力以
觀後效該督試看三年如果當差勤奮再行送部
引見該部知道欽此

附奏江省被水大概情形摺片

再本年五月以來陰雨連綿江西省南昌九江南康瑞州等府屬多罹水患皖省之安慶池州寧國廬州太平和滁等府州濱江各屬亦然江水泛漲異常洶湧東注兼之二十七八九等日夜大雨如注江潮陡長勢若建瓴江寧上元六合江浦儀徵江都等處圩埂猝被淹漫水深丈餘不等現在各圖衛田廬冲潰甚多被水民人紛紛遷移高阜儀徵地勢低下被水尤廣捆鹽洲業已淹沒汪洋一片裝鹽屯船前因湖河盛

漲洩水歸江不能截流出壩其已抵儀所之船
又因洲已淹沒不能拙運約計新鹽開行有需
時日不勝焦灼而被水窮黎顛沛失所尤堪憫
惻除飭藩司分派印委各員馳赴被淹處所督
令各圩農佃人等設法疏消一面妥爲撫卹察
看民力會同撫臣核實勘辦并查明此外有無
續被淹沒一同勘辦再行籲請

恩施合將江省現在被水大概情形先行附片陳明
伏乞

聖鑒謹

奏

道光十一年六月初八日附

奏七月初六日奉到

硃批知道了欽此

沿江各屬同時被水懇請撫卹摺子

蘇撫會稿

奏爲江蘇省沿江各屬同時被水甚重照例先行撫卹恭摺奏懇

聖恩事竊查江省地方本年五月下旬連雨如注山水陡發兼以長江盛漲建瓴四溢江寧揚州等府濱江各屬民田廬舍無不被淹臣陶澍先經附片

奏明在案惟冀天氣晴霽水勢消落田禾雖被淹沒或可補種謀生不意江水上游疊漲不已來源正旺以致連日晴明而水勢仍有長無消卽

省城以內亦因江水倒灌街衢被淹稍低處所
水深至三四五尺不等沿江一帶一片汪洋茫
無涯岸居民紛紛遷避風棲露宿口食無資實
堪憫惻經臣陶澍督飭各官設法救濟臣程祖
洛竝卽飭司委員分路查勘稟辦茲據藩司陸
言轉據江寧府屬上元縣稟報該縣所屬沿江
之觀音門七里洲棲霞圩帶子洲靖安廠及沿
河之通濟門外惟政鄉興賢二園崇禮鄉泉水
鄉丹陽鄉道德鄉盡節鄉等處民衛漕蘆各圩
田均被沖缺禾苗淹沒又據江寧縣稟報石城

江右等所典牧所南北池石押上下省三山烈
山中屯寧省寧後江陰上河屯元押正南淮左
等衛及公費關租等所竝坐落圩內之民賦項
下光澤惠化等圖田畝盡皆淹漫又據江浦縣
稟報該縣所屬之前江山後各圩全行漫破圩
田盡被淹沒又據六合縣稟報該縣所屬之撫
仁鋪江凌左林家鋪畱中葫蘆套黃查橋虎賁
右二鋪三鋪劉家圩老幼岡埭石橋龍池草洲
胭脂塘綏德鋪驍騎營山西山東團洲新興鋪
楊家河大營集梅官營魏詹橋永興圩虎頭墩

黃塘橫塘廟上新鋪滁河鋪長岡王子廟帆山
長壩橋藍門橋單家橋孟絲塘臨橋鋪富安坊
賈裴塘密灣毛許墩郝家塘木溪圩瓜埠通江
集等處水田禾苗均被淹浸又據句容縣稟報
該縣所屬自東陽鎮至橋頭鎮南北兩岸圩堤
多被冲缺圩田俱沉水底又據高淳縣稟報崇
教鄉之寺圩門陡東沙郎官西沙築城村東小
沙正興永安淳化朱家等圩立信鄉之永中長
城天保馬家許家永熟永北永南半塘史家等
圩遊山鄉之官埠保安丁袁侯埠德城孤塘白

露保賊楚埤諸家浮山鰕圩等圩永豐鄉之崇
寧嘉興東圩永成鄉之相國秦家仙人倖仙馬
埂保勝等圩俱被沖缺田河不分又據揚州府
屬江都縣稟報該縣所屬之三分河洋子橋謝
恩亭獺猫洲品條園六淺五柳庄費家橋劉家
伙陳家灣花園庄謝家礮八里舖青龍港用里
鄉雙橋朱銘港倒流港新橋口上下長命港深
港黃港吳家樓傅家井西門大庄石橋東石人
頭凍青舖霍家橋杭家集梁孟港南北寺大小
史家港田地淹沒至濱江蘆洲及佛感草龍忠

再興永固永盛安阜永豐長興伏沙保固課粒
伏業永興伏課恩餘買業寶定謙和五港還糧
天眷來伏鼎興下脚等洲均沉水底又據儀徵
縣稟報西鄉與六合毘連之白茅墩青山甘草
山等坊沿江沿河一帶以及腹裏圩田東鄉與
江都交界之石人頭樸樹灣毘連之三二四都
二十里鋪都天廟新城竝裏圩之廠東廠西運
河北岸之河北等坊及南鄉之蕭公廟黃泥灘
一戢港羅江橋舊港等坊全行淹沒各等情查
各該縣同時被水圩堤淹沒廬舍坍塌家資漂

淌棲食兩無業經各該縣捐備饘餅蓆片沿江散給而地方遼闊爲日又長深恐不能週遍應請照例先行給予撫卹一月折色口糧以安災黎卽由司庫地丁項內酌發銀兩委員資往各處隨查隨放趕緊辦理妥爲安撫詳請具

奏前來臣等查本年水患雖因雨水連綿實由江水壘漲不休建瓴而下以致無處宣洩爲害實出非常該司所詳被水之處均屬實在情形必須先行撫卹以免流離失所相應仰懇

皇恩將沿江被水江寧府屬之上元江寧句容江浦

六合高淳揚州府屬之儀徵江都等縣先行撫
卹一月折色口糧以應急需仍飭該司督飭該
管府縣及印委各員妥速查辦並飭減價平糶
以資接濟此外常州府屬之武進陽湖江陰靖
江鎮江府屬之丹徒丹陽淮安府屬之山陽阜
寧鹽城清河桃源揚州府屬之甘泉高郵寶應
徐州府屬之宿遷邳州等州縣俱陸續據報被
水情形輕重不等並尚有續報各州縣均卽委
勘辦理再行酌覈具

奏外所有上元等縣被水先行發銀撫卹緣由

臣

等謹合詞恭摺循例由驛馳

奏伏乞

皇上聖鑒訓示謹

奏

道光十一年六月十八日由驛具

奏於七月初三日奉到

硃批另有旨欽此

附請援照成案撥銀採買米石運至災區售賣
並商販米船請免納稅摺片

再者江蘇一省地處下游江淮河漢均歸於此
入海現在各省漲發滔滔東注以一省而承數
省之水測量漲勢比之道光三年已高二尺有
餘情形萬分吃緊所尤急者災民嗷嗷待米爲
炊查今春雨雪太多麥收本薄稍有積存猝被
漂淌向來本省所產米石不敷民食專藉江廣
米販接濟現在各省同時被水一月以來竟乏
米船前來人心惶惶望食孔亟現雖設法招徠

仍恐經過上遊截買者多遠道汪洋商情莫足
不得不亟籌救濟之方查前此嘉慶十九年道
光三年均因水災

奏明動項赴四川湖廣江西買米濟食及災缺兵
米之川本年江廣被水採買難期充裕川江現
值夏漲封峽之時米船亦難開放應請

旨酌借藩庫銀兩先赴河南地方採買米麥七八萬
石該省如朱仙鎮周家口等處本與淮水舟楫
相通卽由黃流直下亦有西河牛船隻可用堪
以暫濟急需仍一面委員赴川湖兩處酌量採

買米十數萬石續後運回以備冬春接濟現值
泥潦水阻不能多費銀兩恐有不敷卽於各該
省地方酌量借用隨後解還又上海船戶向赴
關東交易歲以爲常往來較便亦卽發銀交領
購買米豆酌數給票隨時咨會奉天辦理所有
動借各項一俟米石運回分路平糶將庫項仍
行歸還倘兵米無措亦卽酌撥充用惟目前待
哺旣多買運宜速關津盤驗難免稽延伏查定
例米船過關果係前往被災地方售賣免其納
稅給予印票到境之日呈送該地方官鈐蓋印

信回空查銷等語前此道光元年被旱三年被水卽經照例

奏明免稅今江寧等處被水情形較前更重相應請

旨將運赴江省災區米船照例免其納稅不特採買官船藉資迅速卽商販米船亦必聞風爭赴於災地窮黎大有裨益用副我

皇上如傷在抱之至意至本年漕船轉瞬回空該船等向載棗豆等物回南現在棗熟尙遲若在山東河南經過之地專帶豆麥來江銷售仰懇

聖恩卽照米船運赴災區之例暫予免稅一次後不
爲例該舵水人等旣可得資調濟而於災地糧
價可平更屬一舉兩得臣等爲愼重災區仰體
恩慈未敢拘泥守候除卽飛咨產米各省出示曉諭
一面飭司委員分起辦理外仍俟米多價平卽
照常稅停止採買以米易銀歸還庫款謹合
詞附片具

奏伏乞

聖鑒訓示謹

奏

道光十一年六月十八日附驛具

奏於七月初三日奉到

硃批另有旨欽此同日奉到道光十一年六月二十

六日內閣奉

上諭陶澍等奏江蘇省沿江各屬被水懇請撫卹一摺本年五月間雨水連注兼以山水江水陡發疊漲江寧等府濱江一帶田廬多有淹浸現據該督等查明請先行撫卹著照所請加恩將江寧府屬之上元江寧句容江浦六合高淳揚州府屬之儀徵江都等縣賞給一月折色口糧卽飭該司督責

該管府縣及印委各員妥速查辦併減價平糶以資接濟務期實惠及民毋使流離失所又另片奏請援照成案撥銀採買米石運至災區售賣商販米船准免納稅等語著卽酌借銀兩於藩庫動撥該督等遴委妥員先赴河南產米地方採買米麥七八萬石以濟急需一面再委員赴川湖兩處酌量採買米十數萬石陸續運回江省倘有不敷銀兩卽於各該省酌借隨後解還歸款至上海縣船戶向赴關東貿易來往較便著卽發銀交領購買米豆酌數給票隨時咨照奉天辦理其運回米石

分路平糶將庫項仍行歸還倘兵米無措亦卽籌撥充用所有米船經過關津查明實係向災區售賣者免其納稅給予印票到境之日呈明該地方官鈐蓋印信以憑回空查銷至本年回空漕船有在山東河南經過地方專帶豆麥來江銷售卽照米船運赴災區例暫予免稅一次後不爲例俟米多價平商販米船照常徵稅併停止採買將米易銀歸還庫款以平糧價而軫災黎該部知道欽此

貢院被淹鄉試請展期辦理摺子

蘇撫會稿

奏爲江南貢院積水甚深難以依期鄉試懇

恩展限辦理恭摺附驛馳

奏仰祈

聖鑒事竊照本年辛卯

恩科秋闈鄉試輪應

臣

程祖洛監臨其武闈鄉試係

臣陶澍主試一切事宜業經

臣

等督率藩司分

別妥爲辦理正在修理號舍之時忽於五月二

十七八九等日大雨傾盆山水驟漲六月十四

十九等日又復大雨如注江湖湧灌倒漾入城

貢院內水深自二尺七八寸至三四尺不等大
門外附近民房廬舍亦被淹漫現在天時雖已
晴霽而水勢仍未消退皆緣上游安徽江西湖
廣各省同時被水來源甚旺下游潮水頂托以
致宣洩不及平地泛溢時將考錄遺才學政考
棚亦與貢院同被浸漫若拘泥辦考必致貽誤
伏查嘉慶六年順天鄉試曾經部臣遵

旨議准改期於九月初八日舉行今江寧省貢院積水
消退無時場期伊邇據江寧藩司轉據府縣援
照嘉慶六年成案稟請具

奏前來

臣

陶澍先經親加履勘

臣

程祖洛查災至

江寧省城亦往勘屬實現在貢院之水尙深二三尺不等貢院以外暨附近街衢民居向係士子作寓之所均深至三四尺江湖頂托宣洩無方就令秋後一月之內可以消涸淨盡而倒塌房間修理亦需時日計額定入場士子竝來省錄遺以及隨行僕從趕場買賣總共不下四五萬人一時雲集住宿無所且向例七月初間兩學臣必應來省考試錄科而上下江考棚現亦皆在水中宣洩修整更難趕辦臣等面同商榷

不得不爲權宜之計除行文各府州縣出示曉諭諸生暫緩來省免致擁擠失所外惟有據實奏懇

聖恩俯准將江南文闈鄉試展限至九月初八日舉行至文闈事竣正值辦災喫緊之時所有武闈鄉試竝請展至來歲三月舉行庶_臣等得以按期辦理藉免貽誤謹會同江蘇學政_臣白鎔安徽學政_臣鄧本順額恭摺馳

奏伏乞

皇上聖鑒訓示謹

奏

道光十一年六月二十五日具

奏七月初十日奉到

硃批另有旨欽此同日奉到七月初三日內閣奉

上諭陶澍等奏江南貢院積水請展限辦理鄉試一

摺江南省於五六月間連次大雨山水漲發江潮

漾入江寧省城據該督等奏稱現在貢院內積水

甚深本年八月鄉試勢難依期辦理著照所請所

有江南文闈鄉試准其展限至九月初八日舉行

其武闈鄉試著展至來年三月舉行該部知道欽

此又同日承准

軍機大臣 字寄 兩江總督陶澍江蘇巡撫

程祖洛道光十一年七月初三日奉

上諭本日陶澍等奏江南貢院積水甚深請將本年
文闈鄉試展至九月內舉行已明降諭旨准行矣
所有正考官申啟賢副考官鄭瑞玉到省後著該
督等照例關防屆期再行入闈考試將此諭令知
之欽此

續報沿江漲勢添長湖河危急情形摺子

蘇撫會稿

奏爲續報沿江漲勢添長暨湖河危急情形現在
分路查勘籲

恩撫卹各緣由仰祈

聖鑒事竊照江省沿江各縣被水情形業經臣等馳

奏在案連日以來天氣晴明仍復有漲無消前報

被水各地方續又多有淹沒堤圩盡潰江寧城

中水深數尺衙署亦多在水中民居徙避城西

災口嗷嗷不勝焦灼

臣

陶澍本欲趕赴清浦防

河因水災極重急切不能分身

臣

程祖洛於六

月十七日由蘇州赴江寧一路查勘水勢浩瀚
比之道光三年已高三尺有餘正在商辦災務
日切焦思連接淮揚運河等處廳縣飛報洪澤
湖異漲水勢已長至二丈九寸爲從來未有之
水雖仁義禮三河智信兩壩均已齊開而湖水
仍復接長且連日多風波浪洶湧以致揚河廳
一帶東堤在在俱形危險已飛飭速啟車南中
新四壩俾資分洩而湖水增加日幾六七寸搶
護莫及倍形漲滿續據揚河廳稟馬棚灣十四
堡等處已漫溢掣塌該處向無工程地勢稍高

乃因水大風猛人力難施致有漫塌且四壩啟
放下河被淹必多湖水早已漫過砌石萬頃汪
洋僅恃長堤一綫實屬不堪設想而運河迤西
各境早已寸土俱淹老幼男婦蜎集堤身極爲
危苦臣陶澍已飭藩司駐省專辦災務將督署
日行事件委鹽巡道葆謙代拆代行卽日駛赴
清江會同河臣相機籌辦俟稍有頭緒仍卽回
省料理水災事宜臣程祖洛亦卽日駛赴淮揚
一帶查勘高寶下河被水各地方體察情形照
例撫卹仰副

宸厯事關民瘼謹循案由驛馳

奏伏乞

皇上聖鑒謹

奏

道光十一年六月二十五日由驛具

奏七月初十日奉到

硃批另有旨欽此同日承准

軍機大臣

字寄

兩江總督陶澍江蘇巡撫

程祖洛道光十一年七月初三日奉

上諭陶澍等奏續報沿江漲勢添長暨湖河危急情

形現在分路查勘撫卹一摺據稱江省前報被水各地方續又多有淹沒隄圩盡潰江寧城中水深數尺衙署亦多在水中民居徙避城西災口嗷嗷陶澍因急切不能趕赴清江程祖洛由蘇州赴江寧一路查勘水勢正在商辦災務連接淮揚運河等處廳縣飛報洪澤湖水異漲揚河廳一帶東堤在在危險續據揚河廳稟馬棚灣十四堡等處已漫溢掣塌且四壩啟放下河被淹湖水早已漫過砌石萬頃汪洋僅恃長堤一綫而運河迤西各境寸土俱淹老幼男婦蜩集堤身極爲危苦陶澍飭

令藩司駐省專辦災務卽日赴清江會同張井相機籌辦程祖洛亦卽日赴淮揚一帶查勘高寶下河被水各地方察看撫卹等語沿江漲勢添長續報淹沒湖水又復漫溢萬頃汪洋所有各該處災黎深堪憫惻著該督撫悉心查勘照例撫卹妥爲籌辦毋使一夫流離失所以副朕軫念民瘼之至意將此諭令知之欽此

查勘災地水勢暨續報被淹應行撫卹情形竝

將府州撤任另委辦災摺子

蘇撫會稿

奏爲查勘災地水勢暨續報被淹應行撫卹情形
竝將府州撤任另委以期辦災得人恭摺由驛
馳

奏仰祈

聖鑒事查本年江漲之大爲從來所未有臣陶澍一
見水湧環城災民如蟻卽督飭江寧藩司委員
設法分投拯卹臣程祖洛亦卽趕赴江寧查勘
將沿江漲勢添長湖河危急各情於六月二十

五日馳驛

奏報在案臣等於拜摺後卽分路查勘災區臣陶

澍竝卽馳赴清江會同河臣商辦河務茲於二

十九日先後駛抵高郵沿途所勘江水形勢圩

田均已淹沒江水仍未消落且有增長所有上

元江寧句容高淳江浦六合江都儀徵等縣沿

硃批

江被水各處一片汪洋僅存屋脊樹梢蕩漾於

災民流離不遑設想百姓何辜能由朕之不德所致

波濤萬頃之中而續報之鎮江府屬丹徒丹陽

兩縣濱江田廬被淹亦多瓜洲一帶衙署亦在

水心緯路全無百姓流離顛沛實屬慘目傷心

殊批

又據報淮安府屬之桃源縣揚州府屬之高郵
州甘泉縣寶應縣情形尤爲著緊竝下游之興
化鹽城等縣因高郵之馬棚灣十四堡等處東
堤漫溢掣塌水湍奔騰下注廬舍田畝定皆淹
沒因水勢阻隔文報有稽尙須確探各處災民
遷依堰阜四面水圍棲食全無不得不急爲救
援仍飭藩司動項委員分投馳往撫卹此時百
姓倉卒轉徙無從挨查戶口惟有將銀趕緊易
換錢米隨查隨給以濟燃眉用銀若干事竣覈
實報銷至下河鹽場各所前被雨水現復飭啟

經重何濟於事務要趕緊抵放均沾實惠或可免委於溝壑也

攔湖各閘分洩盛漲場竈受淹愈甚亦須設法
拯濟以目前情形而論江淮竝漲湖河一片險
急異常揚州一府最爲吃重現署知府恩齡前
辦漕船重運尙覺妥適今猝遇大災茫無頭緒
署高郵州知州光謙辦事本尙安詳現因災重
務繁亦覺竭蹶未遑應卽撤任另委查有鎮江
府知府王青蓮人頗勤能辦事勇往堪以調署
揚州府篆務山陽縣知縣王濡人頗明練堪以
調署高郵州篆務除分飭遵照外臣等於拜摺
後臣陶澍卽飛赴清江商辦湖河事宜臣程祖

洛仍一路察看災區俟委員等查勘興化等處
被淹情形卽回省將辦災事宜據實再行會
奏所有臣等趕赴高郵分段辦理河務災務各緣
由謹合詞恭摺馳

奏伏乞

皇上聖鑒謹

奏

道光十一年六月三十日由驛馳

奏七月十四日奉到

硃批另有旨欽此

附馬棚灣漫溢情形摺片

再臣陶澍接到馬棚灣十四堡漫溢之信卽經奏明起程赴浦時驛路全淹登舟前進又值風浪大作改由句容山峪繞至丹徒渡江一路茫無畔岸及抵揚州水勢漸形消動至邵伯露筋等處漲勢已減兩岸汕漫痕跡宛然不及堤頂僅止寸許測量現消水誌已四尺有餘其所以頓形消瀦皆由馬棚灣等處漫口之故臣漏夜趕至高郵河臣張井因洪澤湖緊急業已馳赴堰盱臣查本年各省水發同時竝漲長江千里幾

與淮連不獨洲河漲滿爲然臣與河臣前此劄
商皆力主堅守閘壩以俟早稻成熟迨接道將
廳營稟報水勢飛長請啟車南中新等壩卽經
批飭相機啟放原因民田不可不保而堤工更
不可不防不意十八日風水洶湧濺發過堤各
壩拆啟不及而馬棚灣迤南及十四堡下首無
工處所已漫掣過水現在漫缺處所約計已有
二百數十丈勢尙未定車邏一壩亦經啟除此
時水勢東趨下游各縣定多被淹現已委員分
投查勘撫卹因思車邏南關等壩如果齊開則

下河必早受淹其情形亦與此無異今旣漫成
缺口水勢消滅其中新南等壩轉可不必速開
暫保此十畱一二之民田藉資收穫除失於防
範之廳營業經河臣分別撤任摘頂照例題叅
外現委遊擊薛朝英督率各工於缺口南北趕
辦裹頭免致愈刷愈寬第查馬棚灣逼近清水
潭前於康熙年間漫缺工歷數載經靳輔另築
長堤東西各數百丈此時四顧汪洋竝無勺土
可以壓埽施工尤屬不易實深焦灼伏查徒陽
運河年年挑挖兩岸積土久成高阜曾奉

諭旨飭令啟除因工費甚鉅未及照辦此時若用船
裝載填塞決口似於要工有濟臣於路過丹徒
時已諭該縣預爲估計土方是否可用容與河
臣從長酌議至現在運河之水雖已消落四尺
而洪湖僅落五寸尙存水二丈有餘實屬從來
未見以一綫單堤抵禦萬頃波濤危險已極來
源尙旺每聞風雨不勝股栗之至除卽星夜赴
浦會同河臣竭力籌辦外謹將查勘馬棚灣等
處漫口情形附片具陳伏乞

聖鑒謹

奏

道光十一年六月三十日由驛附片具

奏七月十四日奉到

硃批另有旨欽此同日承准

軍機大臣 字寄 兩江總督陶澍江蘇巡撫

程祖洛道光十一年七月初八日奉

上諭陶澍等奏查勘災地水勢暨續報被淹應行撫
卹情形一摺該督行抵高郵沿途所勘江水形勢
圩田均已被淹江水仍未消落且有增長所有上
元江寧句容高淳江浦六合江都儀徵等縣沿江

被水各處一片汪洋僅存屋脊鎮江府屬之丹徒
丹陽兩縣濱江田廬被淹亦多淮安府屬之桃源
縣揚州府屬之高郵州甘泉縣寶應縣情形尤爲
著緊竝下游之興化鹽城等縣因高郵之馬棚灣
十四堡等處東堤漫溢掣塌水溜奔騰下注廬舍
田畝定皆淹漫因水勢阻隔文報有稽尙須確探
各處災民遷依堰阜四面水圍棲食全無悽慘景
況不堪設想現經該督等趕緊設法拯濟據稱已
飭藩司動項委員分投馳往撫卹此時百姓倉猝
轉徙無從挨查戶口惟有將銀趕緊易換錢米隨

查隨給以資濟急所辦甚是若仍拘泥向例查勘
分數分晰輕重何濟於事務要趕緊拯救均沾實
惠或可免委於溝壑也至下河鹽場各所前被雨
水現復飭啟欄潮各閘分洩盛漲場竈受淹愈甚
竝著該督等妥爲拯濟此時揚州一府最爲吃重
現署知府恩齡猝遇大災茫無頭緒署高郵州知
州光謙辦理災務亦竭蹶未遑將該二員撤任另
委所辦亦是著照所請卽以鎮江府知府王青蓮
調署揚州府知府將山陽縣知縣王澐調署高郵
州知州所有災賑事宜著陶澍會同程祖洛認真

妥辦務期實惠及民毋致流離失所其另片奏稱
馬棚灣迤南及十四堡下首無工處所已漫掣過
水現在漫缺處所約計已有二百數十丈車邏一
壩亦經啟除水勢稍減竝委員督率各工於缺口
南北趕辦裹頭免致愈刷愈寬惟此時四顧汪洋
竝無勻土可以壓堵施工尤屬不易擬將徒陽運
河挑挖兩岸積土用船裝載填塞缺口已飭該縣
豫爲估計土方是否可用容與張井從長酌議著
該督會同張井相機妥辦保護隄工不可有意外
之虞是爲至要將此諭知陶澍程祖洛竝諭張井

知之欽此

請揀發知府知縣摺片

再現在江藩司所屬各州縣被水極多且重蘇
藩司所屬亦有十餘縣稟報被淹雖有成災不
成災與災分輕重之不同而查勘撫卹在在需
員將來辦理賑務需員更多現查江寧蘇州兩
處候補試用知縣雖有三十餘員多已委署州
縣至試用知府竝無一人遇有要務差遣或委
署撤任之缺實在不敷委用臣等面同商酌現
值災務孔亟之時首以得人爲要相應請

旨於京察部院人員內

簡發知府二員竝請

勅下吏部於曾任繁缺知縣在部候選人員內遴發
知縣六員一併迅速來江以資差委謹附片具
奏伏乞

聖鑒訓示謹

奏

道光十一年六月三十日具

奏七月十四日奉到

硃批另有旨欽此同日奉到內閣奉

上諭陶澍等奏請揀發知縣六員以資差委等語著

吏部於曾任繁缺知縣在部候選人員內迅速揀
選帶領引見候旨發往欽此

覆勘馬棚灣迤南等處漫口情形摺子

奏爲覆勘馬棚灣迤南等處漫口情形請

旨將道將廳營分別革職議處竝自請交部議處以

重隄防仰祈

聖鑒事竊臣行抵高郵將馬棚灣等處漫缺約有二

百數十丈於六月三十日附驛夾片

奏明在案臣因是日風高浪猛不能駛行缺口舟

行遙望止得大概旋於七月初一日早風色稍

息將船駛近次第察勘查得馬棚灣在高郵州

北三十里其漫口迤南逮北已有二百五六十

丈十四堡下首卽張家溝相距馬棚灣五里其漫塌之處已有五六十丈兩處裏頭一時尙未能堅築察看水勢建瓴直下民田廬舍均被淹沒各居民或遷移高阜或就堤篷棲倉卒流離深堪憫惻現已委員分投撫卹不令一夫失所查本年水勢之大實出非常長江兩岸漫破圩隄不下數百處秋成已經失望是以運河東堤壩座臣與河臣俱以爲得守且守以冀有收乃疊次批飭廳營相機辦理如水勢過大應放卽放以期不致漫溢不意六月十八日風馳雨驟

浪潑堤身猝難兼顧致有失事旋據署高郵州
知州候補知縣光謙稟以爲揚河廳不預備料
物不認真搶險所致而署揚河廳清河縣知縣
張心淵則以爲高郵州偏護民田不肯認真彈
壓及時拆壩之故該員等業已疎防猶復推諉
卸過未便稍事姑容相應請

旨將張心淵革職畱工効力光謙有協防之責亦應
交部照例議處其揚河營守備王拱壽前經摘
頂不足蔽辜竝請革職畱工効力永安汛千總
李明嵐係專汛之弁應卽革職至護淮揚道外

南縣同知王貽象河營叅將張兆因堰阡防堵
緊急不能兼顧究屬失察應請

旨交部照例議處 臣因省城被水羈身未能思患預
防咎實難辭竝請

旨將 臣交部議處現在洪湖水勢尙存二丈有零時
已交秋西風當令危險不可言狀林家西壩工
勢不能不速行啟拆倘水勢不能大消卽攔湖
壩亦須啟放此兩處壩工若經全啟下游必致
驟漲而南關中新三壩水繞高郵州城馬棚灣
已經漫口水勢南趨則三壩又未便全啟致令

州城吃重其揚糧廳之昭關壩卽須啟放過水以資分洩現在運河各隄雖無工之處亦須防險洪澤湖尤萬分緊急需員差委而淮揚一道最爲吃重查前任降調道員鄒錫淳革職揚河廳通判陶斌玉革職揚糧廳通判孫厚坤皆係淮揚前任人員此時正當艱難之際未便以業經降革轉得任其置身事外相應請

旨將鄒錫淳陶斌玉孫厚坤一併畱工効力不許回籍再臣本日由界首經過寶應縣境亦係被水之區因下游馬棚灣等處旣經漫口水已分洩

兩岸隄工涸退居民安堵由此以北水勢漸輕
地方牧謐堪以仰慰

聖懷所有臣覆勘漫口情形事關民瘼謹恭摺馳
奏伏乞

皇上聖鑒訓示謹

奏

道光十一年七月初一日由驛具

奏七月十六日奉到

硃批另有旨欽此同日承准

軍機大臣 字寄 兩江總督陶澍道光十一

年七月初九日奉

上諭陶澍奏覆勘馬棚灣等處漫口情形請將道將
廳營分別革職議處竝自請交議一摺此次該處
漫口失事據該督奏稱署高郵州知州候補知縣
光謙稟以爲揚河廳不豫備料物不認真搶險所
致而署揚河廳清河縣知縣張心淵則以爲高郵
州偏護民田不肯認真彈壓及時拆壩之故該員
等推諉卸過各執一詞究竟因何失事其咎自有
殊添張辦理應政務竊實斷不能因事已知此類從容混且嗣後更無所稽據
攸歸著該督確切查明據實奏其揚河營守備
王拱壽據該督奏請革職畱工効力永安汛千總

李明嵐據奏係專汛之弁應卽革職亦著再行查明俟奏到時一併再降諭旨至失察之護淮揚道外南廳同知王貽象河營叅將張兆前經張井片奏寬免開叅會降旨俟事竣後再降諭旨惟張井片奏內尙有遊擊薛朝英一員何以該督此次所奏僅至二員與張井先後不符竝著查明具奏現在運河各堤工差委需員降調道員鄒錫淳革職通判陶斌玉孫厚坤著准其一併畱工効力該督自請交部議處之處俟事竣後再降諭旨將此諭令知之欽此

湖水遞消堰旴平穩及黃水接長情形摺子

總河

會稿

奏爲洪湖水勢遞消堰旴保護平穩及黃水接長
現在加慎巡防恭摺由驛馳

奏仰慰

聖懷事竊照河湖泛漲情形迭經

臣等

奏明在案

臣

陶澍行抵清江後卽馳赴堰旴閱視

洪湖水勢工程其時各壩河早開林家西滾壩
亦經啟放過水極暢湖水漸形消落而石工漫
水尙多其被水沖塌掣卸入湖之石尤不一而

足漲勢雖落汕痕宛然西風一動立刻浪潑過
隄是日適遇西南風勢不甚大已巨浪如山直
抵堰根高堰頭二三堡及山旰五壩檔內未經
幫寬之處尤爲危險幸此次水勢雖猛天氣尙
晴得以趕施工作該護淮揚道王貽象河營叅
將張兆督率廳營文武奔走泥淖之中往來營
護調集河兵千餘名運土搬石遇險卽搶於石
工掣塌處趕緊撲護於子堰卑矮處加用馬鞍
埽逐段丁庸重用礮土上壓巨石其石堤埽縫
罅隙之處卽用碎石填補該兩廳距產料之地

本遠需用旣多猝難齊備附近各廳不分畛域購備協濟由湖心直渡分赴各工料物順手人衆齊心遂於十日之間搶辦土埽各工百數十段得以禦風捍浪化險爲平臣陶澍目睹各員弁勞瘁情狀並悉歷次風狂浪湧搶護艱難履勘之下猶爲神凜總之淮南要工全在洪澤湖隄爲黃運兩河第一關鍵此湖週迴四百餘里本極遼闊本年各處雨水過旺滙流下注湖勢漫寬其上游頂阻倒漾之地又不下數百里兼以來源自豫過皖支河汊港以數百計處處皆

湖水來源而減水河壩止有六處宜其消退之
難詢之沿隄年老兵民僉稱湖水長至二丈一
尺不特目所未見亦耳所未聞旬日以前清江
等處居民人心惶惶多思遷徙自揚河漫口以
後竝開放林家西壩十數日來湖水已落二尺
四寸高堰誌椿現有一丈八尺六寸各工穩固
此皆仰賴

聖主洪福

神祇默佑是以風屢作而旋息工雖險而亟成於
萬分危險之中得保救平現在人心旣安臣等

亦驚魂稍定惟存水尙大兼值金風司令仍當
加意修防上紓

宵旰至黃河水勢自本月初三日具

奏後疊據寧夏飛報六月二十四至三十日三次
長水已至十一字二刻溯查歷屆報水從無如
此之大河南萬錦灘洛河又同時各報長水一
次沁河報長二次共長八尺七寸連寧夏共長
一丈九尺九寸河水接續增漲外南順黃壩誌
椿已長至三丈九尺九寸比上年盛漲尙大四
寸有一口長至一二尺者若非連年堅守閘壩

逼溜歸洪海口通暢則此次驟漲停積正不知如何情形臣張井先已飛飭各廳營將兩岸要工一律廂修堅實惟銅沛廳南岸郭汛洪福寺迤上及夫十六堡均係護城石工因溜勢側注撞擊各築做碎石挑壩二道又兵十五堡對岸生灘逼溜南趨今於石岸外拋填碎石六十餘丈又挑南廳龍窩汛趙家庄迤下無工處所存灘刷盡塌及隄身外北廳孫家庄迤上淤閉舊工今復刷出均令搶廂新埽以資保衛其與豫東接壤之豐北蕭南兩廳地勢綵長暗險尤多

現亦專派淮徐遊擊封紹專駐該處梭織巡防
當此秋汛方長來源正旺臣等謹當遵奉連次
諭旨嚴飭所屬先事預防臣張井俟湖水再落尺餘
卽親履各廳查勘務保無虞另咨隨時具報所
有湖水遞消黃水接長工程一律平穩各緣由
理合專摺會

奏上慰

慈懷伏乞

皇上聖鑒再揚糧昭關壩揚河南中新三壩今因該
兩廳已落水五尺餘寸察看毋庸再放以節錢

糧合併陳明謹

奏

道光十一年七月十三日具

奏七月二十六日奉到

硃批另有旨欽此

預籌馬棚灣兩處漫口俟水消趕堵摺子

總河會稿

奏爲馬棚灣十四堡兩處漫口應俟水消趕堵現

已預爲籌備恭摺附驛奏祈

聖鑒事竊臣等前將查勘漫口情形先後具

奏疊奉

廷寄仰蒙

聖訓周詳跪誦之餘莫名欽感維時因洪湖盛漲正
常緊急之際護淮揚道王貽象河營叅將張兆
奔走堰圩日夜防守不克分身所有漫口一切
事宜臣等遴委淮揚遊擊薛朝英海安同知朱

楹海安守備盧永盛先往履勘籌備迨洪湖水
勢漸落卽飭該護道王貽象馳赴揚河督同勘
辦叅將張兆仍駐堰盱茲據該護道等稟稱緝
量十四堡漫口一處計寬六十餘丈溜勢平緩
間露灘埂尙不難於堵築馬棚灣漫口一處刷
寬至二百六十餘丈溜勢平行南趨水深三四
丈不等茲已趕緊盤護裹頭不令多有接塌其
正對口門西堤石工被溜掣刷跌塘椿木亦多
冒起照依現在兩處口寬水深覈算將來興工
正雜料物及一切費用約需銀一百萬兩內外

惟該處四面皆水不特簣土難求且無存積料物之處時當秋令正江湖旺盛之期河水未能大落萬一湖水再加增則來源方盛實不敢冒昧遽行興工以致多費錢糧或至另有意外閃失應俟洪澤湖水消至一丈五六尺山盱壩河全行堵閉水無來源先將西堤缺口處所一律補還再於十四堡以上馬棚灣以下各築攔壩一道直接西堤則兩處口門已包在湖河之外再行察看形勢補還正堤不特辦理可期穩固於錢糧亦大有節省

臣等伏思此時馬棚灣

等處尙係湖河一片該護道等所稟止能約略估計亦難遽爲覈定而查從前運河東岸漫口總須秋冬水枯之時方行堵築歷有成案可循且正當經費支絀各處災賑需用浩繁之際果能節省錢糧卽稍遲亦無不可惟現在回空軍艤卽日南下揚河馬棚灣一帶乃其經行要道必須通行無阻實爲此時第一要務因查嘉慶年間運河屢有缺口每遇重空糧艘經行均係繞湖行走自應仿照辦理所有入湖入運水口及湖中行船之處歷經委員節節採量插標記

認臨時再用熟諳湖路之小船帶領軍船行走
總可不誤歸次臣等廣諮博采衆議僉同合行
據實陳

奏恭候

訓示臣陶澍於拜摺後卽馳回省城籌辦災賑事宜
臣張井俟水勢大消黃河洪湖工程均可放心
卽當帶同河營叅將張兆親詣該工確切勘估
另容繪圖貼說詳細祇陳所有籌備揚河廳屬
漫工事宜理合恭摺先行會

奏伏乞

皇上聖鑒謹

奏

道光十一年七月十三日具

奏七月二十六日奉到

硃批另有旨欽此同日承准

軍機大臣字寄七月十九日奉

上諭陶澍等奏洪湖水勢遞消堰堤保護平穩黃水
接長現在加慎巡防竝馬棚灣十四堡兩處漫口
應俟水消趕堵現已預爲籌備各一摺據稱閱視
洪湖水勢工程因各壩河早開林家西滾壩亦經

啟放過水極暢湖水漸形消落而石工漫水掣卸甚多幸天晴得以趕施工作該道將督率廳營文武調集河兵運土搬石遇險卽搶附近各廳不分畛域購備料物協濟於十日之間搶辦土埽各工百數十段俾得禦風捍浪化險爲平至黃河水勢疊次報長現在外南順黃壩誌椿已長至三丈九尺九寸比上年盛漲尙大四寸先已飛飭各廳營將兩岸要工一律脩修堅實其銅沛桃南外北各廳緊要處所分別築做挑壩拋填碎石搶脩新埽以資保衛竝與豫東接壤之豐北蕭南兩廳暗險

尤多派員專駐梭織巡防務保無虞至馬棚灣十四堡兩處漫口尙係湖河一片雖據該護道等約略估計將來興工正雜料物及一切費用需銀一百萬內外現亦遠難覈定且時當秋令來源方盛溯查存案總須秋冬水枯之時方可堵築况各處災賑需用浩繁果能節省錢糧稍遲亦無不可惟回空軍船卽日南下馬棚灣一帶乃其經行要道必須通行無阻實爲此時第一要務查嘉慶年間運河屢有缺口每遇重空糧艘經行均係繞湖行走應仿照辦理所有入湖入運水口及湖中行船

之處歷經委員節節採量插標記認臨時再用熟
諳湖路之小船帶領行走總可不誤歸次各等語
現在洪湖水勢遞消黃水接長雖經該督等督飭
道將廳營等加意搶廂防護惟正值秋令來源旺
盛之期必須將兩岸堤工小心防守不可稍涉大
意致有疎虞至回空歸次尤關緊要該督等所稱
仿照存案繞湖行走務須於湖中行船之處詳悉
採量以期熟諳道路斷不可有誤歸次致干重咎
其馬棚灣十四堡兩處漫口工程一俟水勢大消
著張井卽親詣該工確切勘估妥爲籌辦覈實具

奏總期工歸實用帑不虛糜方爲不負委任陶澍
現已馳回省城所有應辦災賑事宜務與程祖洛
悉心籌酌妥速辦理毋使一夫流離失所用副朕
軫念災黎至意將此諭令知之欽此

狼山鎮標各營借支餉銀摺子

奏爲督協狼鎮各標營因災借支餉銀分別按月按季扣還以恤兵艱仰祈

聖鑒事竊照江蘇所屬各營於坐落及毗連地方偶遇災歉之年歷經

奏請借給餉銀有案今春雨水連綿二麥歉收入夏以後又復連雨成災江潮頂漲沿江沿河一帶田地盡遭淹沒以致米價驟昂兵丁月餉不敷據江寧城守左右浦口督標中左奇兵瓜洲等營稟請照道光三年成案每兵借給米價銀

二兩又據狼山中左右掘港等營稟請照道光六年十年成案每兵借給兩月餉銀等情臣以本年被災屬實借給成案又屬相符均經批司查議去後今據江寧布政使陸言詳稱查明各營駐劄災歉地方兵丁口食維艱係屬實在情形所有江寧城守左右浦口三營需銀三千三十四兩督標中左奇兵瓜洲四營需銀四千五百七十四兩其銀請從道光十二年三月起在於應支月餉內按作十箇月扣還歸款又狼山中左右三營需銀四千七百六十九兩零掘港

營需銀九百六兩零均從道光十二年春季起
分作六季扣還以示體恤應請照案准其借給
所借銀兩請於司庫地丁正項銀內動給等情
彙詳請

奏前來

臣

覆加查覈無異合無仰懇

聖恩俯准照案借給俾各該兵丁得此借款藉資生
計仍於應得餉銀內分扣歸還亦不致庫項懸
欠叨沐

皇仁無旣除飭司照數動給外謹會同江蘇巡撫臣
程祖洛合詞恭摺具

奏伏乞

皇上聖鑒再據青山營守備稟兵丁租住民房均因
水浸倒塌又兼柴米昂貴口食不敷請於運庫
兵餉及舵水工食內每兵每舵水各借銀三兩
等情臣陶澍當卽批飭運司覈明借給以資接
濟合竝陳明謹

奏

道光十一年七月十五日會

奏八月初十日奉到

硃批另有旨欽此同日奉到七月二十六日內閣奉

上諭陶澍奏請借支各營餉銀一摺江蘇江寧城守等營駐劄地方因本年災歉米價驟昂兵丁口食維艱據該督奏請援照成案借給餉銀著准其在於司庫地丁正項銀內借給江寧城守左右浦口三營銀三千三十四兩督標中左奇兵瓜洲四營銀四千五百七十四兩自道光十二年三月起於各兵應支月餉內按作十箇月扣還歸款狼山中左右三營銀四千七百六十九兩零掘港營銀九百六兩零自道光十二年春季起分作六季扣還以示體卹其青山營兵丁租任民房現因水浸倒

塌又兼米貴口食不敷該督請於運庫兵餉及舵
水工食內每兵每舵水各借銀三兩著卽飭該運
司覈明辦理該部知道欽此

遵

旨飭挈匪棍已獲解皖省審辦緣由摺片

安撫會稿

再臣承准軍機大臣字寄欽奉

上諭據御史王鑄奏匪棍陳小鴻又名程八桐城縣人在徽州府城內置買婦女爲各衙門門丁長隨幕友住宿之所勾結胥役搭擡串騙遇有訟案包攬關說隨處詐贓又招集棚匪強租山場開墾分肥又安徽和州無爲州一帶有匪民結黨成羣聚養盜賊窩囤私梟遇鄉村溫飽之家邀結多人強行索借名曰白搶子等語著陶澍鄧廷楨各派妥

員前往訪查陳小鴻卽程八如有前項情事卽行
嚴拏究辦其和州無爲州一帶白搶子匪徒竝著
認真訪拏嚴行懲辦等因欽此

臣當卽密委候補

通判朱奕亨馳赴徽州會同該府縣嚴拏陳小

鴻務獲旋據該通判稟稱業於六月二十三日

會同皖省委員將陳小鴻卽程八拏獲就近解

赴省城審辦等語竝據該府劉亨起稟同前情

臣當卽咨會撫

臣

鄧廷楨委員嚴審確情覈實

懲辦其和州無爲州白搶子匪徒亦分札各該

州認真嚴拏

臣

復密加察訪遇有此項名目定

卽慎密獲辦以靖奸宄而安地方仰副

聖主除暴安良之至意所有陳小鴻卽程八已經獲
解皖省審辦緣由理合附片覆

奏伏乞

聖鑒謹

奏

道光十一年七月十五日具

奏八月初十日奉到

硃批查拏甚屬認真欽此